

御定全唐诗

全唐詩目 第八函

第三冊

姚合 七卷

全唐詩

姚合

姚合陝州硤石人宰相崇曾孫登元和進士第授武功
主簿調富平萬年尉寶曆中監察御史戶部員外郎出
荆杭州刺史後為給事中陝虢觀察使開成末終秘書
監與馬戴費冠卿殷堯藩張籍遊李頻師之合詩名重
於時人稱姚武功云詩七卷

送狄尚書鎮太原

授鉞儒生貴傾朝赴餞筵麾幢官在省禮樂將臨邊代
馬龍相雜汾河海暗連遠戎移帳幕高鳥避旌旃天下
屯兵處皇威破虜年防秋嫌壘近入塞必身先中外思

重疊科名歲接連散材無所用老向瑣闥眠

送楊尙書祭西嶽

一本無嶽西字

報功嚴祀典寵詔下明庭酒氣飄林嶺香煙入杳冥樂
清三奏備詞直百神聽衣拂雲霞濕詩通水石靈何因
逐騶騎暫得到巖扃

送李侍御過夏州

一作送李鄭侍郎

酬恩不顧名走馬覺身輕迢遞河邊路蒼茫塞上城沙
寒無宿雁虜近少閑兵飲罷揮鞭去旁人意氣生

送李起居赴池州

天子念疲民分憂轡侍臣紅旗高起焰綠野靜無塵闕
下親知別江南惠化新朝昏卽千里且願話逡巡

送劉詹事赴壽州

慇懃莫遽起四坐悉同袍世上詩難得林中酒更高
隋隄何楊柳楚驛在波濤別後書頻寄無辭費筆毫

送裴大夫赴亳州

杭人遮道路垂泣浙江前譙國迎舟艦行歌汴水邊
周旋君量遠交代我才偏寒日嚴旌戟晴風出管弦
一栝誠淡薄四坐願留連異政承殊澤應爲天下先

送徐州韋僅行軍

餞幕儼征軒行軍歸大藩山程度函谷水驛到夷門
曉日詩情遠春風酒色渾逡巡何足貴所貴盡殘罇

送劉禹錫郎中赴蘇州

卯定全唐詩八句妙合一

二 雙峰書室

三十年來天下名銜恩東守闔閭城初經咸一作谷眠山
驛漸入梁園問水程霽日滿江寒浪靜春風遶郭白蘋
生虎丘野寺吳中少誰伴吟詩月裏行

州城全是故吳宮香徑難尋古蘚中雲水計程千里遠
軒車送別九衢空鶴聲高下聽無盡潮色朝昏望不同
太守吟詩人自理小齋閑臥白蘋風

送賈驀赴共城營田

上國羞長遼戎裝貴所從山田依法種兵食及時供水
氣詩書軟嵐煙筆硯濃幾時無事擾相見得從容

送裴宰君

見說爲官處煙霞思不窮夜猿啼戶外瀑水落厨中名

藥人難識仙山路易通還應施一作施靜清淨化誰復與君同

送顧非熊下第歸越

失意尋歸路親知不復過家山去城遠日月在船多楚

塞數逢雁浙江長有波秋風別鄉老還聽鹿鳴歌

送雍陶遊蜀

春色三千里愁人意未開木梢穿棧出雨勢一作氣隔江來

荒館因花宿深山羨客迴相如何物在應只有琴臺

送崔約下第歸揚州

滿座詩人吟送酒離城此會亦應稀春風下第時稱屈

秋卷呈親自束歸日晚山花當馬落天陰水鳥傍船飛

江邊道路多苔蘚塵土無由得上衣

送李廓侍御赴西川行營

不道弓箭字罷官唯醉眠何人薦籌策走馬逐旌旃陣
變孤虛外功成語笑前從今鶴州路無復有烽煙

送楊尚書赴東川

卻縠詩書將銜恩赴梓州遶身垂印綬護馬執戈矛劔
閣和銘峭巴江帶字流從來皆惜別此別復何愁

送邢郎中赴太原

上將得良策恩威作長城如今并州北不見有胡兵晉
野雨初足汾河波亦清所從古無比意氣送君行

送裴中丞赴華州

我夢何曾應看君渡滻川自無仙掌分非是聖心偏
去年
曾夢

除華州刺史故
此叙述而已

徑草多生藥庭花半落泉人間有此郡況在

鳳城邊

送徐員外赴河中從事

赤府從軍美儒衣結束輕涼颺下山寺躡浪滿闕城閑
坐饒詩景高眠長道情將軍不戰術計日立功名

送殷堯藩侍御赴同州

吟詩擲酒船仙掌白樓前從事關中貴主人天下賢此
生無了日終歲踏離筵何計因歸去深山恣意眠

送崔中丞赴鄭州

僕射陂前郡清高越四隣丹青鳳詔下太守虎符新霧
濕關情月花香驛路塵連枝相庭樹歲歲一家春

送丁端公赴河陰

炎天木葉焦曉夕絕涼飈念子獨歸縣何人不在朝市
連風浪動帆徹海門遙飲盡樽中酒同年同一作寂寥

送鄭尚書赴興元

儒有登壇貴何人得此功紅旗燒密雪白馬踏長風斧
鉞來天下詩書理漢中方知百勝略應不在彎弓

送田使君赴蔡州

長年離別情百盞酒須傾詩外應無思人間半是行路
遙嘶白馬林斷出紅旌功業今應立淮西有勁兵

送無可上人遊邊

一鉢與三衣經行遠近隨出家還養母持律復能詩春

雪離京厚晨鐘近塞遲亦知連府客夜坐喜同師

送僧

人間擾擾唯閑事自見高人只有詩寂寞一作舊在嵩峰雲外

寺常多夢

一作闕定

裏過齋時

城中聽得新經論却過關東說向人舊國門徒終日望見時應是見真身

送宋慎言

童穉便知聞如今祇有君百篇詩盡和一盞酒須分驛路多連水州城半在雲離情同落葉向晚更紛紛

送家兄赴任昭義

早得白眉名之官濠上城別離浮世事迢遞長年情廣

陌垂花影遙林起雨聲出關春草長過汴夏雲生黠吏
先潛去疲人相次迎宴餘和酒拜魂夢共東行

送崔玄亮赴果州冬夜宴韓卿宅

蘭燭照重茵飛盃復幾分主人寒不寐上客曉離羣騎
吏緣青壁旌旗度白雲劍銘生薜色巴字疊冰文華省
思僊侶疲民愛使君洽洽唯自適郡邸有誰聞

送喻覓校書歸毘陵

主人庭葉黑詩稿更誰書闕下科名出鄉中賦籍除山
春煙樹眾江遠晚帆疎吾亦家吳者無因到弊廬

送董正字武歸常州覲親

路岐知不盡離別自無窮行客心方切主人樽未空楚

檣收月下江樹在潮中人各還家去還家慶不同

送蕭正字往蔡州賀裴相淮西平

相府旌旄重還邀上客行今朝郭門路初徹蔡州城從
馬唯一作還提酒防身不要兵從來皆作使君去是時平

送進士田卓入華山

何物隨身去六經與一琴辭家計已久入谷住一作住應

深偶坐僧同石閑書葉滿林業成一作須謁帝無貯白雲

心

送右司薛員外赴處州

懷中天子書腰下使君魚瀑布和雲落仙都與世疎遠
程兼水陸半歲在舟車相送難相別南風入夏初

御定全唐詩卷八
姚合一
六
雙峰書室

送王建秘書往渭南莊

白鬚芸閣吏羸馬月中行
莊僻難尋路官閑易出城
看山多失一作炊飯過寺故題名
秋日田家作唯添集卷成

送殷堯藩侍御遊山南

詩境西南好一作勝秋深一作聲晝夜蛩人家
連水影驛路在

山峰谷一作地靜雲生石天寒一作晴雪覆松
我爲公府繫不

得此相從

送李植侍御

聖代無邪觸空林獬豸歸
誰知隴山鳥長繞玉樓飛
風雨依山急雲泉入郭微
無同昔年別別後寄書稀

送王澹

常省爲一作居官處門前數樹松尋山展費齒書石筆無鋒

果熟猿偷亂花繁鳥語重今來爲客去惜一作借取最高峰

送崔之仁一作別劉得仁

欲出還成任前程甚謫遷佯眠隨客醉愁坐似僧禪舊國歸何處春山買欠錢幾時無一事長在故人邊

送孫山人

山翁來帝里一作人言語質不肯住一作住世恨多時塵土衣裳重腥羶

僕隸飢一作肥林中愁不到城外老應遲喧寂一爲一作離別相

逢未有期

送費驥

兄寒弟亦飢力學少閑時何路免爲客無門賣得詩幾

人攜酒送獨我入山遲少小同居止今朝始別離

送河中楊少府宴崔駙馬宅

鳳凰樓下醉醺醺晚出東門蟬漸聞不使鄉人治一作修驛

路却將家累宿一作上山雲閑時採藥隨僧去每月請錢共

客分縣吏若非三載滿自知無計更尋君

送文著上人遊越

水石隨緣豈計程東吳相遇別西京夜禪月下袈裟濕

曉上山巔錫杖鳴念我爲官應易老羨師依佛學無生

越中多有前朝寺處處鐵一作金鐘石磬聲

送無可上人遊越

一作送無可往越州

清晨相訪立門前麻履方袍一少年嬾讀經文求作佛

願攻詩句覓昇

一作成

仙芳春山影花連寺獨夜潮聲月滿

船今日送行偏惜別共師文字有因緣

送洛陽張員外

餞客未歸城東來騶騎迎千山嵩岳峭百縣洛陽清朔

雁和雲度川風吹雨

一作雪

晴蘇庭公事暇

一作少

應祇獨吟行

送少府田中丞入西蕃

蕭關路絕久石埃亦爲塵護塞空兵帳和我在使臣風

沙去國遠雨雪換衣頻若問涼州事涼州多漢人

送王龜處士

送客客爲誰朱門處士稀唯修曾子行不著老萊衣古

寺隨僧飯空林共鳥歸壺中駐年藥燒得獻庭闈